

與

稽

齋

叢

稿

湘春漫與上

叢稿第十三

長洲 吳翌鳳

乾隆甲寅首春歸自章門復應姜中丞之招將如潭  
州以婦病遲至六月乃發仍盡室以行非得已也酒  
邊花下詩多漫與離爲二卷以寧家湘春門內遂以  
名編

甲寅 起六  
月

發鄂州

不辭觸熱上孤舟  
世事驅人豈自由  
十載無家成汎梗

五湖有約愧閒鷗。碧波如黛湘中水。黃鶴凌風望裏樓。  
都是華胥堪一哂。柳絲底用弄輕柔。

岳州早發舉家渡湖余登陸

桂楫乘流發。藍輿破曉行。兩湖煙水白。一嶺暑風清。  
篁竹藏邨舍。叢祠數驛程。鷓鴣嘯不斷。頻起越鄉情。

長沙使院東偏舊有園曰又一邨度香中丞葺而新之暇日遊覽爰紀以詩

檠戟門邊又一邨。閒雲終日護柴門。竹孫初長花如笑。  
盡是天家雨露恩。

未○植○成○都○入○百○桑○先○栽○榆○柳○兩○三○行○十○年○種○樹○經○綸○寄○  
不○數○平○泉○草○木○莊○

朝○來○簞○笠○聚○東○菑○一○畝○閒○田○過○雨○時○好○與○齊○民○修○要○術○  
拔○葵○何○必○羨○公○儀○

一○桁○青○山○映○日○寒○芙○蓉○秋○滿○石○闌○干○竹○扉○不○用○頻○關○鎖○  
容○我○朝○朝○拄○笏○看○

### 石臺玩月

秋○清○氣○象○澄○憑○高○況○淒○冷○登○臺○望○明○月○一○片○空○明○境○并○  
丹○素○輝○揚○離○離○絳○霄○迴○色○映○遙○山○空○光○逐○去○水○永○湛○然○

水壺秋頓使塵慮屏。須臾長風來搖蕩。玉繩耿流雲過。  
青松飄忽去無影。弦望詎有常。歲月行自省。凌雲羨黃  
鶴。離思徒怲怲。

客窗

冥冥客窗暮。瑟瑟旅愁生。夜靜風生簾。天寒雨近城。敝  
裘無計補。華髮直須驚。欲倚崆峒劍。雄心已漸平。

乙卯

月盡九

觀海圖爲錢魯思題

積水環九州。東南益蕩漭。四明山高瀛。海環極目寒。空

莽蕭瑟平生侈讀本華賦瑣屑魚龍徵故實豈知別有  
振奇人放眼滄溟登翠輦怒濤盤空來瞥若游龍疾天  
風吹衣快不留健鶻橫秋去如失茫茫一氣不見山但  
見朝昏吞日月韓蘇筆勢妙千古君今亦是文章伯翻  
然一吐胸中奇潮海雄文爭翕闕昔疑談天衍議論恣  
旁魄卽今披圖有如此始信腐儒真蠡測走也江海人  
願附圖南翮終期一快海若觀結伴來尋釣鼇客

水中雲影歌

白雲飛來輕且柔一水東去無停留水邪雲邪誰爲主

化機一片真悠悠。吁嗟此雲出巖穴，忽入春波互明滅。  
隨風舒卷鏡中看，幻景乘空去何極。在天不可收，在水  
不可掬。仰瞻俛察兩茫然，眩轉心魂晃遊目。人生富貴  
寧有期，雲影變滅須臾時。我心無淨亦無垢，一任水天  
雲亂走。

### 湘君祠

洞庭垂福地上，帝降瑤姬。祀典明禋，肅荒祠碧。蘚滋仙  
風搖玉佩，夢雨灑靈旗。多事騷人詠，含情望九疑。

### 三吾懷古

猗彼元道州循吏三唐最煌煌春陵行汲汲如不逮冠  
纓本虛假魚麥素恬退一身入畫圖清福天所賚湘山  
山擁層巒沔溪蓄深黛峙以嵒臺高唐亭屹相對嘉樹  
卽甘棠溪山表遺愛遂令三吾名曠若開草昧後賢踵  
故事興發凡幾輩營營搜巖壑擾擾紛藻績事徃名不  
留真吾復誰在興懷漫卽風因之寄遐嘅

愚溪

溪名傳柳侯乃以愚自玷東流入瀟湘柔波何激盪靜  
碧澹無滯落花浮幾點對此適化機亦自忘謫貶知樂



豈終愚。照空不待染。終古溪上翁。波平躁心斂。

會溪銅柱歌

河北李花謝。八姓尋干戈。南楚迢迢介。荒服一馬蹏。踏  
翻江波文。昭嗣位。逞威武。震讐羣。蠻徙其主。學士鋪張  
戰伐勳。遠向溪州立銅柱。是時蠻首彭士愁。史誘作  
士然立

威布惠。雄溪州。一朝舉兵犯辰禮。蠻爭觸門爭相讐。天  
策軍開飛火箭。瘴雨蠻烟日酣戰。吹角風高破陳雲。負  
竭力盡輸邦甸。銘功作記誓書來。範金深刻何雄哉。柱  
高一十有二丈。環以青石蓮花臺。文詞張皇太夸侈。蚓

結蛇蟠字尤鄙功名敢擬伏波軍。譌脫差正歐陽史。積薪救火笑當時。轉眼蕭牆血肉飛。半壁但知爭尺土。全家誰信蹈危機。彭氏還傳入百載。土疆雖徹旂常在。回首溪州銅柱標。楚王宮殿成滄海。

詠燕

東風漸暖入芳辰。又見翻飛紫燕新。銜得香泥都上壘。生成薄命慣依人。江南二月春如海上苑。千門月似銀底事。營巢不思去。滿身花雨楚江濱。

又一邨看桃花二首

明霞簇簇倚風齊。上有黃鸝宛轉啼。只少清流相映帶。  
不然便是武陵溪。

五溪烽火徹三春。無恙園花帶雨新。燕子飛來如解識。  
看花不是種花人。

亭上

江雲欲雨不雨。巢燕將歸未歸。叢竹自搖風影。落花暗  
點琴徽。

新霽同諸子看牡丹

幾日不窺園。綠陰遶如許。朝來積雨晴。秀色落窗戶。看

花有逸興。夙駕命儔侶。荒苞滋宿潤。含豔思一吐。背葉  
獨先開。霞采風中舉。翩然長羣隊。房老勇先賈。餘芳悄  
含情。譬彼十五女。遲開亦遲落。焉用催羯鼓。我昔梁園  
遊。篋中洛陽譜。酒徒零落盡。春事浩無主。隨緣且爲樂。  
聊復問老圃。明當續清遊。相與攜尊俎。

新茗

青箬封題緘。寄頻開。斂却喜色香。勾雲映帶潤。初經焙  
雪乳。浮甘欲貯春。蜀嶺火前三品細。家園雨過一旗新。  
籠頭紗帽剪來好。得共王濛賞更真。

新荷

低亞闌干十畝塘。新荷數點水中央。田田乍灑菰蒲雨。  
冉冉微分杜若香。欲去未堪樓翡翠。卷來渾不罩鴛鴦。  
滄浪池水柔藍染。記得催詩上野航。

新月

落日明霞黯未收。一彎已挂柳梢頭。低迷月色開煙徑。  
容易清光下小樓。澹澹花香初入夜。疏疏涼影恰宜秋。  
有人拜起珠簾卷。坐對銀河清淺流。

新綠

荷錢貼水竹生孫。纔入春來，便覺溫向曉晴山。添畫本，澹煙喬木，認孤邨。劉郎去後，花無影，謝客堂空。夢有痕。昨夜東風初過雨，湘江一碧到柴門。

### 新漲

寶馬嬉春事已非。舍南舍北水成圍。流紅逐浪香生浦。活碧浮光冷到扉。曲沼喧波羣鴨喜，斷橋喚渡幾人歸。何繇便趁輕航去，直上江南舊釣磯。

### 新涼

雨歇桐陰暑氣微。閒庭宋宋掩雙扉。屏圍燭影人初靜。

香冷巢泥燕欲歸。西渚采菱催放艇。南樓待月喚添衣。  
繩牀正有還鄉夢。蝙蝠棲檐莫便飛。

鄰歌

不是雛姬是小伶。歌喉歷歷轉春鶯。當筵想極婆娑態。  
隔戶微傳點拍聲。擫笛定教諧抗墜。移牀應更聽分明。  
夜涼側耳花陰下。癡絕周郎顧曲情。

鄰鐙

鐙影誰家出綺疏。丁丁蓮漏四更初。憐佗倦女宜停翦。  
愛爾幽人尙讀書。底事焚膏偏欲繼。定知結穗不教除。

匡○生○有○壁○何○妨○鑿○只○是○朦○朧○病○眼○餘○

### 鄰花

無○限○芳○菲○屬○比○鄰○戎○戎○幾○樹○出○牆○新○樓○高○遠○見○攀○枝○女○  
風○送○時○聞○載○酒○人○學○語○雛○鶯○聽○不○隔○尋○香○倦○蜨○過○偏○頻○  
何○當○拄○杖○敲○門○看○今○日○江○南○是○好○春○

### 鄰船

落○拓○江○湖○似○雁○行○夕○陽○影○裏○駐○連○牆○絕○憐○津○埃○前○塗○遠○  
共○泊○蒹葭○秋○水○長○湓○浦○琵琶○添○別○恨○橫○塘○問○訊○是○同○鄉○  
峭○颿○待○得○明○朝○挂○回○首○煙○波○各○渺○茫○



偶閱陳迦陵集有此數題戲效爲之惟以五言爲  
七言耳枚菴識

答汪竺香竝寄新詩一卷漫系此章用東坡美  
陂魚詩韻

壯志思浮貫月槎。大言常賦倚天劒。雙丸跳脫不留景。  
急掣流光真一閃。敝袍依舊碧草黏。短髮渾同素絲染。  
在家萬事蟻旋磨。出外十年馬落塹。譬如淑女守深閨。  
赤腳蓬頭墮茅店。居然忝竊筆硯間。大似春秋吳楚僭。  
嗜癩有癖君真癡。竺香嘗得顛疾掣筆無才吾所欠。窮愁出語

恣狼藉。癡癡填胸待鍼砭。勿言道遠會面難。但得舖糜  
家口贍。歸來與子整旗鼓。急埽詞壇傾宿釀。

石琢堂學使索觀近稿附呈長句

我昔稱詩戒濃纖。一字百易格律嚴。要如酒醴淡彌旨。  
又如食蜜中邊甜。有人勸我學韓杜。雖非所近力猶努。

氣衰又復宗齊梁。高岑王李

東川

參翱翔。一從身作江湖

客。世士翩翩恣旁魄。味別酸鹹識者稀。效顰亦遂拋繩  
尺。去年無賴鄂城居。一月編摩付小胥。深覺蘊含終有  
味。總然馳驟不如初。故人作別十寒暑。索我新詩意良

苦自慚嫫母見西施譬若雷門持布鼓君家哦詩不作  
難襲人香氣如吹蘭吐詞雅取意能達調言冗語一例  
刊當今風騷競馳逐近法王阮亭朱竹垞遠蘇陸究傳皮毛  
得髓難舉世何人識高躅韞線翻勞玉尺量欣逢平晏  
在詞場附詩聊博一笑粲莫道狂夫老更狂

夏日懷李子綸辰州

三湘炎暑酷永日氣如焚地溼蒸砂雨山空納火雲  
虞卿仍躡屩王粲久從軍欲寄相思字衡陽少雁羣

長沙秋感四首

鄂渚淹長轂。星沙續遠遊。氣蒸山瘴癘。地僻鳥鉤輈。白  
屋家家雨。青楓葉葉秋。感時更懷古。長嘯一登樓。  
遷客非無宅。騷人尙有邨。楚風何日補。哀怨至今存。竹  
上湘娥淚。雲中帝子魂。折麻誰與寄。有夢逐湘沅。  
百舌嘯殘雨。孤雲馭遠風。飛飛高樹杪。喋喋落花中。知  
已惟長劒。離心逐斷鴻。無繆掩書坐。懷抱幾人同。  
算櫟沈沈急。秋聲冉冉頻。旅愁何計遣。華髮與時新。海  
嶠魚龍氣。苗民戰伐塵。湘流正無極。含意向誰陳。

秋雲

一片魚鱗起爲霖亦已稀月邊光曖曖雁外影微微度漢秋無迹樓山冷不飛西巖桂花落對爾憺忘歸

秋邨

秋原人事杳雞犬有餘閒到岸碧溪冷出牆紅葉殷無多臨水屋一簇夕陽山川稻歸來晚家家自掩關

秋竹

離離過牆竹簌簌鳴清音微風一相戛悠然調玉琴洞庭霜月苦湘浦淚斑深別與留高節鸞凰尚可尋

秋蘆

秋。聲。何。太。急。一。片。起。滄。洲。彌。望。白。千。里。長。歌。吟。四。愁。夕。  
陽。明。斷。岸。涼。雨。上。孤。舟。寒。雁。爭。棲。泊。噉。噉。正。未。休。

秋鐘

百。八。聲。聲。徹。寒。鐘。何。寺。傳。故。鄉。鳴。夜。半。楚。館。聽。經。年。韻。  
逼。清。霜。冷。音。隨。曉。月。圓。棲。鳥。眠。不。穩。磔。磔。落。平。川。

秋鶯

百。舌。欲。無。語。流。鶯。曉。自。如。雙。柑。人。去。後。萬。樹。葉。飛。初。攪。  
夢。經。秋。冷。如。簫。帶。月。疎。漫。勞。砭。俗。耳。發。日。總。憐。渠。

秋蛩

寒煙迷曲徑。繁響息爭鳴。天與留高調。宵猶逆幾聲。悲  
秋仍作客。申旦漫相驚。尙足催彊敵。童兒莫便輕。

寄懷二林居士杲堂禪師

苦憶洪覺範。相隨蘇長公。閉關秋色裏。得句佛香中。餅  
盞門風在。皈依慧業同。葑溪一輪月。分照碧湘東。

雜詩六首

葉公好畫龍。見龍足不舉。齊王喜吹竽。挾瑟儕其伍。營  
道各有術。外慕亦何補。恃氣輕王融。以貌失子羽。且不  
識。今人乃欲與論古。寥寥天壤間。眞賞乏儔侶。祇應食

蛤蜊焉用摸索取

終古此日月光采自長新不聞松柏枝開花媚陽春萬  
物有本質造化還相因虛靈生衆妙微實氣不伸湛然  
心境宋嗜欲非天真浮雲翳太空微瑕點貞珉所累不  
在多要貴守其純因悟文章家致飾詎足珍

閒庭有猗蘭春至新葉抽時雨一膏澤冉冉綠且柔灌  
水護螻蟻設障防鵲鳩長養遂其性馴致花葉稠嗟彼  
蓺花人計慮亦已周場師顧而笑弱植寧悅眸濃膏滋  
糞土下比蕭艾儔揠苗智徒矜速化非所謀



員。不。可。使。方。曲。不。可。使。直。巧。心。寓。規。渠。哲。匠。示。繩。墨。紛。  
紛。薄。古。徒。議。論。務。深。刻。清。波。揚。狂。瀾。嘉。樹。雜。叢。棘。恃。此。  
鑿。空。智。詡。詡。矜。卓。識。豈。知。聖。賢。心。坦。率。無。億。逆。道。存。不。  
下。帶。安。所。事。窺。測。多。恐。混。沌。死。茫。茫。同。守。黑。

薄。俗。重。軒。冕。心。輕。白。屋。子。寧。知。垂。令。名。不。必。在。廳。仕。文。  
章。與。功。名。殊。塗。不。同。軌。古。來。著。述。家。自。能。致。青。紫。非。關。  
既。通。顯。然。後。傳。姓。氏。宣。聖。亦。布。衣。煌。煌。著。遷。史。或。曰。魯。  
司。寇。官。位。非。不。美。然。則。孔。無。官。哲。人。竟。其。萎。嗟。彼。執。熱。  
徒。紛。紛。何。足。齒。

吾友彭尺木升其言明且清吾友石執如韞文章妙天

成胸中無渣滓筆底多晶瑩大雅日凋零後起紛縱橫  
操觚累千百蜩螗競爭鳴如彼二子者和聲叶咸英譬  
如優曇花徒令見者驚吾表尚有作硜此介石貞

黃耽岷書來盛誇南嶽之遊索余作歌

五嶽環鎮衡嶽雄離宮朱鳥星精通帝愁洞庭勢旁魄  
使奠南服開鴻濛軒翔聳拔九千仞地靈歛吸神所鍾  
石廩天柱最突兀森然一氣朝祝融少陵遐之久不作  
何人登望追遺蹤耽岷黃翁老好事濟勝有具支吟筇

自言陟足不知險。上封絕頂猶能窮。七十二峯在足底。  
尊卑參列兒孫同。渴日射壁影倒落。江光隱見磨青銅。  
是時秋中正晴霽。離離古樹明丹楓。忽然天風來一望。  
景晦蒙山山出雲。雲作海濤聲隱隱。隨豐隆須臾日光。  
蕩雲氣見出朵朵青芙蓉。此身震蕩若無主。但覺靈異。  
蟠心胸。我聞不禁興飛越。徑思結束趨靈宮。漾舟九面。  
浥蒼翠。振策五嶺披蒙茸。禹碑奇字錄藤篋。異事驚倒。  
昌黎翁。只愁蹤迹同汎梗。江山笑客多塵容。先鞭差快。  
爾能著側身。西望何繇從。

乞琢堂書與稽齋額揭諸楣閒賦此

束髮事章句澹然寡所諧惟此篋中書日夕相與偕文  
章雖糟粕聖賢之所垂心與古人接縷入無朕乖積久  
覺深造曠蕩無津涯稽考詎有極虛靈埽煙蕪契彼曲  
臺語用以名吾齋

壯歲涉江湖陳編任殘缺祇餘耿耿心夢寐不能釋爲  
索玉堂書漫向行窩揭朝來開卷坐湛然心朗徹丹黃  
別謬譌摭拾收放佚離憂紛沓來得此自怡悅悅見古  
之人相對忘言說

湘春漫與下

叢稿第十四

長洲 吳翌鳳

乙卯 起十月

行路難

四座且勿喧聽我高歌行路難

解一太行盤盤九折坂未

抵腸中車輪轉

解二乘車戴笠盟易寒。息火煮冰那得溫。

三束髮事章句老大復何有。西隣富家兒。腰間金印大

如斗

解四

寶劒光陸離。幽并年少兒。丈夫四十從軍不得

力。不如少年能殺賊。

解五

宿瘤入宮王嬙和。親盜跖偏富。

黔婁乃貧

六解

淑女守閨名倡倚市或則荆布或則羅綺

七解

天有顏回壽有彭祖千秋萬歲聖賢莫度

八解

我欲遊

仙大海茫茫我欲學佛迢迢西方

九解

不如飲酒腐腸濡

首不如著書聲名翳如

十解

行路難空長歎

趙

### 芳樹

芳樹臨清池上有鳳皇鳴鳳皇自顧影上亦一鳳皇下  
亦一鳳皇鳴聲雖同形則雙與君本一心羽翮參翺翔  
聞君有兩心對面成參商不如置身清池旁與君長託  
芳樹芳

巫山高

巫山高。江水深。陽臺不見愁人心。陽臺不在江之浹。乃  
在高高翠微裏。襄王去後曉夢空。一片行雲爲誰起。擊  
巫鼓。彈神弦。估船日暮燒紙錢。廟門沈沈望不極。檣竿  
老鳥接人食。裴蘭泣露竹埽風。落日猿聲喚秋色。

堂上歌行

堂上歌尊前。舞玉奴。弦索花奴。鼓手中。杯座上。賓遺鉤  
墮珥。酣嬌春圍鑪。促坐深深院。銀箭金壺夜將半。屏風  
六幅展。春山旬線雙。眸醉來倦。毼毼一片紅。可憐六幺

拍滾催哀弦。華鎧綢繆氣如霧。貂裘漸暝。烏帽偏颯然。  
尖風動。簾隙翻訝。疏窗晃蟾魄。童奴披帷客。離席雪積。  
玉階深一尺。

襄陽樂

野鴨逐流波。楊柳生道旁。解帶作飄幅。送郎上襄陽。  
生長橫塘側。不識襄陽城。明朝白阿娘。與郎同舟行。

估客樂

送郎下真州。望郎長江邊。那得東北風。吹郎倒流船。

江南曲



七里彎環水。千枝爛漫花。倡家金作屋。蕩子錦爲車。淡月吹笙院。紅樓語燕家。江南遊冶客。隨意度年華。

秋夜吟擬李長吉

老蟾泣露涼雲白。隔院丁當練聲急。蜀桐弦張手半生。博山無香漏板青。畫羅屏風粉花凍。三尺銀鐙照孤鳳。蓮塘葉爛多冷光。細風吹碎鴛鴦夢。

春曉曲擬溫飛卿卽用其韻

空庭溼霧紗窗冷。金井轆轤響深綆。日光斜漏枕函邊。繡被餘香壓花影。蘭房睡起春愁重。六幅屏山隔殘夢。

亂梳雲髻曉妝慵。閒卻金雙翠。鳳遊絲宛轉。蜨飛揚。  
柳線不如人意。長燕子。銜泥點波去。微風吹綠。皺銀塘。

卓女吟

車騎雍容填巷陌。成都才子臨邛客。曲屏十二開綺筵。  
琴心彈出冰絲弦。燭花隔簾弄鬢影。歸向壚邊鬟不整。  
文園老去酒肆空。口莫琴臺碧雲冷。

翻風怨

鏤金花釵倒龍佩。聲釵色陳儀態口。香風細燭花搖。  
房老當筵主。羣隊柳絲垂。煙花帶雨。昨宵猶向春風舞。

懊○儂○一○曲○淚○滿○衣○回○黃○轉○綠○須○與○期○

香兒歎

薛瑤英元載侍兒効以香屑啖之長而肌膚香澤號為香兒及載敗出為里人妻見蘇鶚杜陽雜編

玉骨香肌丞相妾小字瑤英身姓薛良宵剪得渡河花

飛○作○空○中○五○色○霞○淒○淒○晚○嫁○里○兒○去○髻○擁○銀○鐙○淚○如○雨○

勸○卿○止○淚○勿○復○噉○下○堂○尚○有○糟○糠○妻○載妻王蘊秀河西節度使忠嗣女載

敗亦被收

秦娘引

風流太守翻隼旗城西五馬行踟躕鳳簫隱隱載後車

泰娘自是傾城姝。銅駝夢冷蕭聲歇。羅袂銷香玉梳折。  
皋橋無人弔花骨。露柳千絲泣涼月。

閨中四時曲

落絮遊絲近瑣窗。春風不上木蘭艘。生憎六幅湘簾卷。  
紫燕飛來總是雙。

曲檻風荷香氣微。與郎終日對清暉。晚來一陣跳珠雨。  
催得鴛鴦兩處飛。

金井梧桐葉落頻。庭階秋夜露華新。可憐清淺銀河水。  
只渡雙星不渡人。

欲寄寒梅別路遙。郎情儂意兩相要。儂如池上水。長合郎似枝頭雪。易消。

牧牛詞

朝牧牛。平疇豐草青。油油暮牧牛。飲牛卻在溪西頭。有時放牛牛散行。牛。蟲。撲。撲。牛。不。驚。牧童吹笛樹邊坐。日暮衣單腹中餓。牛。來。不。來。何。處。尋。得。牛。乃。在。山。之。陰。白。雲。英。英。天。欲。雨。叱。叱。驅。牛。渡。溪。去。

戰城南

戰城南。陳雲變。門旗初開。防飛箭飛。箭猶可飛。礮殺我。

煙塵蔽天大合圍城以南城以北屍骸撐拄馬蹏踣白  
日慘澹無光輝火伴見之不敢哭血漉漉飛鳥銜腸上  
挂枯樹枝幕府上功簿殺賊無數更徵精兵號防戍息  
鼓偃旗結營住疲馬馱穀野鴉啄粟火龍焯焯蕺民屋  
健兒不健死士死君獨不聞胸中甲兵范老子

雌雄兔

城中兔羣雄復羣雌羣雄走躍躍羣雌哺雛何纍纍  
鳴狗殼鯨野狼來相逐雄者張其威雌者不敢伏戕戕  
釵而弁晝夜互踐更九十春光等閒度榆皮剝盡草不

生○贊○虎○吼○野○狼○走○出○門○赴○步○觸○藩○瓜○忍○死○誓○天○不○相○負○  
雌○雄○兔○傳○英○聲○壯○士○聞○之○心○膽○驚○咄○哉○壯○士○莫○漫○驚○古○  
來○乃○有○夫○人○城○

哀巢鷹

欽○鵒○嘯○羣○萬○千○百○燕○雀○啾○啾○罌○魂○魄○蒼○鷹○結○巢○高○樹○顛○  
一○炬○巢○空○族○全○赤○欽○鵒○勢○轉○橫○蒼○鷹○憤○未○宣○翻○身○入○煙○  
奮○一○擊○砉○然○劈○歷○開○弓○弦○弓○弦○脆○折○矢○墜○地○血○灑○平○蕪○  
身○亦○斃○可○憐○燕○雀○噤○不○鳴○浮○雲○悠○悠○隔○玉○清○君○不○見○楚○  
國○毀○家○紆○難○者○春○秋○千○古○垂○令○名○

一長歌續短歌三首

長歌悲短歌。悄少年無故忽。衰老丈夫名不挂。仕曹濡  
豪削牘。何太勞。僮牛賣。糶隨所遭。

長歌緩短歌。急骨出形同。疲蛟立人事。浮雲與蒼狗。學  
磨兜堅。忍開口。此中惟可飲美酒。

長歌長短歌。短我獨胡爲。滯江館。無家可歸。心煩憂。況  
乃二頃良田。疇安用濕濕。十具牛。

懷湘曲

我所思兮。湘之渚。飛龍衙衙兮。疲蛟舞。朝發軔兮。中洲



夕。頓。轡。兮。橫。浦。悅。帝。子。兮。欲。降。又。焱。忽。兮。風。雨。張。廣。樂。  
兮。矐。莽。奏。陽。阿。兮。激。楚。波。礧。礧。其。不。寧。兮。意。儻。何。而。誰。  
語。我。所。思。兮。湘。之。陰。下。有。湛。湛。之。流。水。兮。上。有。青。青。之。  
楓。林。折。疏。麻。兮。欲。寄。采。春。芳。兮。幽。尋。路。曼。曼。其。修。遠。兮。  
眇。千。里。于。同。岑。何。茱。萸。之。彌。望。兮。申。椒。蘭。而。獨。吟。我。所。  
思。兮。湘。之。曲。蒼。梧。迢。遙。兮。九。嶷。綠。駕。我。舟。兮。夷。猶。就。隄。  
詞。兮。躑。躑。耳。紛。紛。兮。嘯。鳩。目。修。修。兮。篁。竹。吾。將。緬。重。華。  
之。遺。則。兮。蔽。白。雲。于。空。谷。我。所。思。兮。湘。之。皋。解。玉。佩。兮。  
誰。要。女。嬋。媛。其。繁。飾。兮。羌。胡。爲。乎。飄。蕭。欲。刈。方。而。爲。圓。

分心。蘊結。而徒勞。眄湘波。以騁望。兮聊。樂風。以消搖。

演禽言八章

鵲鵲鵲

鵲鵲鵲。防失腳。下山愁。上山樂。

淘河

淘河上。河成坡陀下。河長青莎隄。防高高。潰則那。

鉤輶格磔

鉤。輶。格。磔。短。刀。長。戟。舌。卷。入。喉。  
古開。口。不。得。

稽古

稍古秀才讀書作官府。升高堂。播大鼓。泰山婦哭官府。  
怒。

行不得哥哥

行不得哥哥。洞庭六月風浪多。哥哥欲去當奈何。

姑惡

姑惡姑惡。姑不惡阿姑。發怒小姑樂。

鳳皇不如我

鳳皇不如我。今日鮮衣。昨日羸腰。閒丁冬玉。嗟嗟。

修月匠歌

段成式酉陽雜俎云太和中王秀才

一作鄭仁

本

遊嵩山見一人枕襪而臥因就之且問所

自其人笑曰君知月乃七寶合成乎月勢如

八其影則日燦其坳處也常有八萬四千戶

修之余卽其一數開幙有斤鑿數事言已別

去戲作修月匠歌

月輪團團七寶成。敲來鏗作頗黎聲。兩儀始生失剗鑿。  
中間坳堙不得平。吾家剛仙運神斧。佐以八萬四千修。  
月戶霏霏屑落飛。滿天散作繁星碎。光吐盤古歷今千。

萬年斧聲丁丁何日捐得毋隨修復隨長此匠亦應都  
作仙。廣寒夜冷酸風入十指凍皴斧斤澀偷向嵩山枕  
幙眠。桂影鬢盤露華溼羿妃孤坐兩鬢霜一斂寶鏡森  
光芒。兔兒抱杵作人立側聽修月何丁當。祇慕縱貪頭  
目眩燭龍回光輪郭見去聲山河十二影分明千古琢成  
冰一片。

馬詩七章效李長吉

房星降瑤精天馬徠西極不入蒲梢歌龍媒復誰識  
黃池歎沙玉赤汗籥風雲用以駕鼓車終與凡馬羣。

少陵歌瘦馬委棄非所惜飽食玉山禾便是權奇質  
鹽車不辭服伏櫪志不衰說是渥洼產羣驚日笑之  
道林賞神駿孤竹老知道朝秣一斗豆夕摧一束草  
良馬自有德不在轡控煩良馬自有識不在芻牧恩  
一馬絕塵飛一馬行步工雕鞍錦障泥說是連錢驄

夕陽八首和鮑以文

余與以文別九年矣江湖間盛傳其夕陽詩  
二十首心甚豔之惜未能寓目也旅館多暇  
遙和八章異日東歸當出以相質焉

料峭輕寒院宇幽夕陽一片冷光留分來西嶺無邊綺  
收入東隅不盡秋澹澹只愁消畫角微微猶自戀紅樓  
休嫌薄暝黃昏近早見天邊挂玉鉤

向晚樓臺一笛吹林梢弄色最多姿遠隨極浦歸帆落  
暝入遙空雁背知疏柳漁邨看向夕深春花鴨度何遲  
西湖記得催吟屨生怕嚴城上鎖時

杭州門禁甚嚴遊西湖者有背馱紅

日進錢塘之諺

每見飛隨雁影來

元李裕詩夕陽常共雁飛來

更無人處一裴裒積

垣斂采難重覓倦馬馱看又幾回紅蓼灘荒多落羽烏

衣巷冷有蒼苔。分明淺絳南宮畫。茸靄平鋪一角開。

屋角風微散酒顏。蒼黃景色最相關。紅歸高柳遊車少。

澹到平蕪倦鳥還。老我生涯原落拓。多君留影尙嫵爛。

闌干曲曲凭來徧。看盡分明山外山。宋詩夕陽山外山

閒倚枯藤眺望奢。彎環流水遶隄斜。采菱舟散擎荷覆。

五代李珣詞競驅犢人歸折箬遮。井井窗紗餘旖旎。林

林人影亂塵沙。一旗尙有殘紅颭。指點前邨酒可賒。

雨過遙邨噪暮蟬。詩人門巷未闌珊。千林黃葉渲晴色。

幾疊青峯護晚寒。望裏玉鞭隨路杳。誰家紅裊倚樓看。



無慘聞共山僧話埽徑涼風墮繅冠

廢苑荒臺是處同古今寥落感何窮光殘老樹歸雅外  
秋在閒門倚杖中天意有心存晚節客懷無際瞰長空  
轉愁一霎流光變化作輕霞幾縷紅

半掩柴扉心迹清一林鳥相更分明孤邨短笛遲歸牧  
芳草長亭促去程帶得閒雲留古剎引將獨客上荒城  
愛他一段昏黃景不是韋莊賦不成

昔人稱韋莊詩  
篇篇有夕陽

雨夜檢亡友孫澹于遺墨愴然有作

抽刀斷流水斷極水更流涼風吹夜雨夜夜西窗幽西

窗引領看雲樹苦憶吳門結心素虞詡居然虎觀流

勛之

李膺妙得龍門譽

勉百

遂于座上識孫郎五十華年鬢未

霜落落寧辭鳳棲泊軒軒祇覺鶴昂藏江南二月花如

綺六曲橫塘水清泚東道主人能揖客北山處士俱風

靡詞壇勍敵吳兩生

王百川毛上清

分曹角勝何縱橫詩顛伐

盡山中免酒渴騎來海上鯁誰知勝引不長在孤雲還

山水歸海虞卿窮愁病且死我亦西遊壯顏改西遊五

載去楚鄉飄然琴劍遊大梁灌嬰城邊風雨橫屈原祠

下煙波長歲月悠悠劇飛鞚可憐處處舟車送旅館難

拍○舊○雨○魂○孤○鎧○只○照○停○雲○夢○前○歲○逢○君○攬○揆○辰○七○十○猶○  
龍○彊○健○身○今○春○忽○枉○冬○郎○札○令子鶴歸華表經三春  
于壬子正月長○江○異○日○風○飄○掣○無○限○離○情○待○君○說○流○浪○  
年七十有一江○湖○欲○去○難○青○山○滴○淚○嗟○何○及○李○翁○八○十○葑○水○頭○傳○聞○  
亦○復○歸○山○丘○折○梅○無○處○問○鄉○隴○兩○生○消○息○如○雲○浮○賤○子○  
年○來○頭○總○白○感○舊○懷○人○意○悽○惻○忽○得○孫○郎○數○首○詩○淚○痕○  
點○點○和○殘○墨○殘○墨○零○紙○讀○未○已○涕○泗○滂○沱○拂○衣○起○側○聽○  
幽○窗○颯○沓○鳴○更○漏○沈○沈○鼓○聲○死○

平苗篇

乾隆六十年春正月黔楚之交苗民不靖大  
吏奉 天子命討之冬十一月軍中文報疊  
至言苗勢日蹙指日蕩平因作此詩

五溪古荒服攢嶺箐深蔽中有苗人居傳是槃瓠裔狔  
狔狔狔狔其種不一類榛狃無知識而苗獨很韞白花  
與青紅別衣以爲識織罽爲桶帶鎔金作纏臂緣險走

若飛多疑性偏忌有時結門款

各峒歃血誓約緩  
急相救謂之門款

旦旦

守信誓三苗分北後羈縻不深治後世設土官專責使  
聯綴猶然肆劫掠出爲邊鄙累我 朝大懲創歸流盛

防○備○不○以○化○外○視○一○氣○歸○陶○鑄○奈○何○復○跳○梁○乃○致○煩○天○  
吏○推○厥○起○釁○由○積○漸○非○無○自○熟○苗○入○版○圖○供○役○如○奴○隸○  
生○苗○蠲○賦○稅○深○藏○若○魑○魅○布○寨○衆○星○羅○纏○腰○一○刀○利○特○  
山○以○爲○險○桀○鰲○本○難○制○峒○長○苦○誅○求○恐○喝○百○其○計○有○司○  
不○時○察○漢○奸○復○旁○熾○激○爲○走○險○心○遂○成○負○隅○勢○紛○紛○徧○  
崖○谷○擾○擾○無○行○次○兵○來○鳥○獸○散○兵○去○螻○蟻○萃○焚○掠○市○井○  
開○洶○洶○肆○吞○噬○致○令○蚩○蚩○氓○肝○腦○塗○邊○地○帝○心○赫○斯○  
怒○廟○謨○以○次○示○上○公○偉○謀○畧○中○丞○儲○糗○糒○桓○桓○諸○將○  
校○秉○令○不○敢○貳○峻○嶺○側○足○登○深○淵○斷○壺○濟○總○此○七○萃○士○

柴入抵其遼羣苗驚不測螳臂奮一試槍急萬人呼杜句

制死不遑避橫空結陳雲陰峒消瘴氣積骸莽山岳捉  
生痛殲薤指日渠魁擒清埃斥竿幟饒歌馬上奏班劍  
軍前賜靈雨洗甲兵長風埽宇堦南人不復反編戶悉  
安父伊昔重華朝舞千載典記武功與文德千古歸一  
致卷擇功既成善後事非易勉哉守土官惠政起凋敝

懷友詩十四首

歙縣鮑明經

廷博

以文

刊盡叢殘宛委披江湖陳起是吾師絳雲汲古都銷歛

玉軸牙籤好護持。有梅根。空素業。鑪焚柏子。寫烏絲。  
夕陽傳得騷人詠。想見微吟倚杖時。

吳江陳孝廉

毓咸

受之

潁川公子氣如虹。門第清華迥不同。十載公車仍毘毼。  
五陵結客自豪雄。馬遷小婦能談史。李賀新詩盡惱公。  
聞說五湖蝦菜美。東華休戀軟塵紅。

寶山毛大令

大瀛

海客

杜陵莫便歎無家。官鼓聲中放早衙。叩雅人歸雙鬢雪。  
巴渝舞歇一叢花。淳于不厭遺鈿會。彥道何勞擲帽誇。

重問漢皋遊冶地新詩盡護壁間紗

海寧家上舍騫搓客

修竹千竿遶屋廬牙籤插架鄴侯居無邊海色蒼煙外  
一枕潮聲曉夢初禺筴早成文學論國碑時考國山書  
坐看玉樹凌雲起王氏優龍也不如謂令子壽照孝廉

嘉興張秀才廷梅羹茗

灌嬰城下片颿收重與聯牀話舊遊春水一江人惜別  
斜陽滿院客登樓山拳夢冷鶯花老湘浦霜寒橘柚秋  
同是飄零歸未得莧天征雁漫悠悠



吳縣戴文學 延年 壽豈

匹馬燕臺又十年故人消息轉茫然  
高歌市上無屠狗短夢山中有杜鵑  
鼎鼎朱門誰是主蕭蕭白髮儘堪憐  
江東酒伴何人在一櫂歸來任醉眠

金匱楊上舍 楷 永叔

歷下秋風客思搖鷗鷺一舸送寒湖南朝  
公子青樓管西里才人碧玉簫儘有閒情歌捉搦  
未容短笠溷漁樵吟風閣上春如許綠酒清鐙未  
宋寥

秀水王大令 復 敦初

使君兩度綰銀黃。又報單車入洛陽。砥柱河流經雨壯。  
龍門嶽色接天長。春風行部花千樹。夜閣開尊燭兩行。  
樂府旗亭爭畫徧。雙鬢誰不羨王郎。

元和顧上舍

元暉

翰集

癡絕城東顧虎頭。記曾同作少年遊。笙歌一艇官橋夜。  
風雨聯牀水閣秋。一自征颿迷北渚。至今離思又南州。  
自楚中轉客廣南紫雲零落楊枝別。萬里天涯客正愁。

陽湖楊大令

倫

西和

杜陵風雅今誰繼。楊億文章迴絕倫。倚馬不嫌才太健。

猶龍本是性難馴。春風桃李鱣堂滿。嘗主江漢書院講席江國兒

童竹馬新想得。王哀廢詩日雲溪風物總傷神。時以江西貴溪

令丁外  
艱歸里

漢陽葉中翰 繼雯 桐封

石林家世本東吳。漢上談經聲價殊。自入銅龍多歲月。

空令夜鶴怨江湖。階翻紅藥春初永。案列緗囊興不孤。

若問漢皋留滯客。著書今已號潛夫。

長洲王孝廉 芭孫 念豐

烏衣馬糞數諸王。夷甫清談遠擅場。華髮不應如我老。

少年誰更得卿狂。十年朱邸雄文貴。萬疊青山客夢長。  
人海莫嫌顛顚盡。年來知己闕炎涼。

陽湖劉孝廉

嗣緒簡之

鳳城楊柳客。愁牽花月。蘭陵路。幾千錦字。書裁春色裏。  
黃金臺冷。算雲邊。九天縹緲。金莖露一段淒涼。白雪弦。  
湖海舊遊。今漸老。更何人問孝廉船。

江夏僧

可嶺鐵舟

蕭然白足繫行滕。瓶盞生涯自擔簦。几聖祇今誰悲業。  
江湖從此有詩僧。石牀埽蕚琴三疊。花院彈碁月一棱。

重到武昌幽絕處教人那不憶南能

湘春漫興下

清瀏雜詠上

叢稿第十五

長洲 吳翌鳳

嘉慶改元之歲自長沙轉客瀏陽山城僻陋無同好  
相徃還吟興遂減明年丁巳秋廣寧趙純齋來宰是  
邑已未秋夏邑李東川復來自郴州相與唱和篇什  
遂多未幾東川歸里壬戌秋杪純齋亦別去余獨淹  
滯于此斷梗浮萍益無聊賴矣辛未春彙次十餘年  
之作離爲二卷曰清瀏雜詠

丙辰

黃三莪自衡陽書來告歸寄懷二首

一條拄杖影玲峴自署江湖老客星五十年來頭白盡  
楚山何似故山青

笈囊僕亦老關河送汝能爲忼慨歌今夜峭驪何處泊  
碧湘無際雁聲多

丁巳

贈孫少白兼簡懃懃真

看花歷冰雪不爭桃李春結交滿吳楚未若孫郎真孫  
郎湖湘彥矯矯軼其羣一笠走四海低顏訪時人寥寥

二三子此外誰堪親赤肩負行李洗足瀏水濱詣余講  
舍中相於如弟舅高論越流俗浩歌激風雲謂今詩教  
衰風雅賴子尊自反何足道聞言起逡巡孫郎岸不顧  
那○畏○旁○人○瞋○騏○驥○恥○伏○檻○蛟○龍○不○藏○淵○馥○馥○蘭○蕙○花○肯  
與蕭艾鄰老大事章句蕭然竟長貧挾此希世姿不得  
排天闢濁酒澆枯喉胸中鬱嶙峋勲生古狷者卓犖亦  
等倫齟齬當世士有如眼中塵古來草澤中奇才每沈  
淪鹿門與谷口千載思其人何須感螻伏與世爭屈伸

### 怪鳥行



夜寐猶未安。侵曉羣動起。庭際一鳥喧。啁啾聒人耳。一鳥隨和之。繁音詎能理。飽滿盤。穹蒼拏攫無時已。但聞色然怒。不見沾然喜。詩人賦黃鳥。宣尼歎知止。此鳥不知名。雙飛借枝爾。聞鳥有鴟鴞聲。惡狀可鄙漫以意揣之。或者毋乃是非無挾。彈郎側目。怒相視。猶恐汚吾手。翻然斂弓矢。先生晝無事。忍飢誦經史。枯坐了。不聞此心如止水。

畫扇爲葉遜菴時遜菴將如衡山

泉聲落澗樹。猶溼嵐氣侵衣鳥。不聞昨宵夢到上封寺。

七十二峯多白雲

礪南漁者歌爲鄭廷載賦

礪南漁者菰蘆客。編草爲蓑。箬爲笠。渡口千章錦。樹紅  
門前一片春。山碧有時不漁。還賦詩。詩成嘯傲臨苔磯。  
得魚換酒。自斟酌。醉來网得珊瑚枝。昨夜山頭雨如注。  
持竿出門。天欲曙。貪看煙中白鷺飛。雙鯉揚鬚撒波去。  
自向江頭理釣綸。徃來漁者誰相親。武陵風景久零落。  
礪南日日桃花春。

少白歸華容後以詩寄懷

離思無聊賴。閒門畫亦扃。愁看芳草色。人隔暮山青。知爾扁舟去。乘風過洞庭。平沙多落羽。蕭瑟詎堪聽。

憶青陰樓古松悼汪亮疇

百尺長松磊落栽。風櫺拓處共裴嵬。最愁暮雨張鐙夕。疑有秋潮擁樹來。人去漫憐荒薜合。燕歸不見綺樓開。桃花潭水重經日。蛻骨殘鱗定可哀。

詠寓齋後圃木芙蓉

胡爲絕世姿。落此荒原裏。轉蓬與蔓草。繚繞烏能已。野客澹無事。步屨日延企。秋風一披拂。擢秀從此始。淡白

媚朝光。竊紅映流水。花如解人意。高枝夕逾綺。詎以風露繁。損彼顏色美。舉世競春榮。誰能識其理。轉思朱冥濱。孤豔獨鞿鞿。不遇涉江人。零落同已矣。

寓齋遣意寄故園諸子和之

雖居塵市儼深山。斗室蕭然亦自安。往事待稽逢客少。新詩欲就得題難。清晨適志琴三弄。永夜窺人月一丸。寥宋眞同楊子宅。憑君莫作壯遊看。

檢閱舊稿自題二絕

急管繁絲喚奈何。年來空作曼聲歌。篋中舊稿分明在。

轉覺乾坤清氣多

妙詣原從澹處尋春華埽盡見寒林泠泠譜出琴三疊  
一任君聽空外音

歲暮寄懷趙純齋明府

不覺春意動一歲行將除閒門無人來坐對惟琴書起  
行見西山寒翠澹欲舒長風蕩林薄空煙了無餘惜此  
蕭疏景不與故人俱知君鎖印牀適意吟懷攄儻然半  
畝天縣署齋名亦自愛吾廬

戊午

看桃花獨酌

短衣匹馬倦西東。曾見山桃幾度紅。  
客裏風光寒食早。酒邊況味故園同。  
正宜細雨門深閉。不是看花客莫通。  
留待詩人伴寥朱殷勤相與祝東風。

圃中桃花盛開園丁以其礙竹也去其最大者  
一株感而賦此

畦西天桃開正繁。一株斫去護龍孫。  
漢宮多少如花女。鉤弋從來未受恩。

雨不止書寓齋壁時舍弟有梅山之行

已作連宵雨。天涯況離羣。輕颿何日到。嘯鳥不堪聞。風色全歸樹。茶煙欲化雲。山桃與山杏。并是落紛紛。

米蠹

生無負郭田。筆耕事馳逐。年豐米價增。黽勉致饘粥。稍得餅壘儲。計日恆不足。胡爲蠹忽生。儼然聚其族。我家十餘口。幼穉雜僮僕。日食數升米。分口不盈掬。涵生天地間。所望充飢腹。雖貧亦汝供。飽噉恣所欲。只恐歲事晚。生理多局促。忍飢吾所甘。悠悠將誰屬。

月夜飛鷄亭書示純齋

山城已遷改遺迹未全湮復此一亭古依然芳草春可  
憐古時月不照古時人流入君懷裏依依向我親

畢弁山制府輓詞

星實南天鼓角悲東山猶憶謝公基征蠻事業標銅柱  
華國文章擅色絲未遂台階公所欠得叨末座我何遲  
已酉夏始識杜陵廣廈今誰屬八百孤寒淚下時  
公于荊州

石琢堂修撰出守重慶賦寄

乍撒金蓮下玉堂一麾出守棧雲長巴江盡處猶屯戍  
雪嶺秋來敢望鄉須識殘黎勞撫字漫云報國在文章



春陵政績成千古應有詩篇繼漫郎

遣興寄純齋大令

一片閒雲懶不收三年羈客此淹留  
詩情楓浦餘流水遊興吾山入縣樓  
書冊堆牀人未寐槐花落地雨飈飈  
相逢閭里都稱說官長賢明歲有秋

晨起

晨起無一事步屨臨空階  
仰視高雲徂徐徐飛鳥偕  
所得偶清曠足以舒我懷  
人生事微逐擾擾林壑乖  
悠然還太初浩蕩真無涯

久不得余肅山陳樸香消息賦此寄懷

窮老無相識飄零憶舊遊如何吳苑月不照楚江流夜  
雨雁呼侶孤吟人倚樓相思渺煙水何日放歸舟

石鞠歌

在劉陽東鄉永和市江中石上

羣山東來熊虎蹲危灘激石靄霆奔赤巖禿岫少高木  
是誰插此千花繁滿布巨厓足宛宛成花邨朝曦倒影  
入波底空明蕩漾疑若手可捫得非蛟人織不爾便是  
蜀錦包瑱璠葳蕤開徧秋不落風來髣髴聞溫磨天工  
運巧斲山骨物理那得窮其源昨朝寓齋作重九霜花

未放園中藩有客。款門至。割示一片孤雲根。玲瓏細辨  
類刻畫。敲鏗固蒂含胚。渾傳觀不得。足清泉挹注。頗黎  
盆。治蔕朵朵儼欲活。紛披五色猶逐波。濤掀我聞羅含  
陶潛足迹不到此。何人對爾傾芳尊。貞香孤茱衆所棄  
袞袞流俗何堪論。徒然事剗鑿。取玩窮厓垠。石雖不言  
我則閔。不凋霜露凋黥髡。狂生發奇想。急欲排天闢。願  
天移置南陽甘谷水。坐使百齡上壽盈乾坤。

壘石橋歐陽氏山莊

長空旅雁颯驚秋。蹤迹依然逐浪鷗。步履不辭邨路遠。

過橋卻喜野煙收。山光水色圍三面。竹雨松風擁一樓。  
卽此清幽良已足。移家何必是滄洲。

歐陽惺軒水樓。凡仙名之曰望吾。

三間傑閣。俯溪濱。地僻真能遠市氛。古澗冷澌。一輪月  
疏窗高納。四山雲。庭空不隔松篁影。夜靜時來鸞鶴羣。  
此去吾山知近遠。望中指點碧氤氲。

夜起

不寐披衣起。無憀獨倚欄。孤吟誰與和。殘月少人看。遠  
樹煙中暝。秋聲竹外乾。砌蟲何太苦。猶自語更闌。

九月十六夜坐月有懷熊四閭門

揮我鄰上弦。和子停雲吟。皎皎寒月光。照見千里心。湛  
然空明色。不受風露侵。宵涼戀人影。意與我輩深。故人  
三載別。相思詎堪任。廣庭萬籟寂。獨坐蒼苔陰。惜有盈  
觴酒。不得共子斟。微風入幽篁。戛然響清音。秋氣之所  
觸。焉能不蕭森。君知此耿耿。積歲猶如今。

冬日園居作

林梢無剩葉。蕭瑟向殘冬。愛此閒園靜。渾忘客思重。斷  
霞明古澗。疎鳥落寒鐘。安得羊求侶。同希塵外蹤。

已未

憶梅有寄

孤山山下訪林逋。千樹梅花一酒壚。昨夜翠禽啼不斷。  
重牽幽夢到西湖。

題李氏草堂次壁間韻

平泉獨樂總荒陂。隨意誅茅得自怡。棗熟不嫌西舍撲。  
客來只向竹中窺。焚香讀易聞雲度。拄杖聽泉笠帽欹。  
獨有勞人歸未得。五湖風月待王爲。

初秋院齋閒坐

春庚秋轉換年華室有圖書便是家滿地黃雲間不掃  
桐花落盡又槐花

孤燕篇爲呂節婦作

燕燕巢雕梁雄雌一巢裏芳菲二月天聯翩鬥紅紫巢  
成怪鴟妒雛生故雄喜雛生竟不育故雄旋亦死怪鴟  
嘯其羣挾雛競相委力弱不得敵展轉巢亦毀巢毀不  
足惜無雛將安恃無雛亦大意故雄長已矣冰霜何棲  
枝毛羽何從徙生死守空巢貞心視江水我歌孤燕篇  
悲風颯然起君不見呂家新婦丁家子苦節茹荼亦如

此。

書家白广遊廬山詩後

昔讀太白廬山謠眼中如見廬山高廬山高高七千四  
百丈九十九峯疊翠凌層霄東西林寺玉淵瀑身所未  
至形難描記汎宮亭風色惡南康城門三日泊晨鐘夕  
磬空外聞金光黛色船中落雲中五老舉手招未得探  
幽理芒屨名山坐對交臂失乃欲侈談遊五嶽吾家仲  
子真好奇與客一一窮攀躋

張古餘司馬同遊

披雲撥霧見真

面山靈如與騷人期新詩刻剗洩幽秘翻然笑我來何



遲我雖天窮。靳孤往。尙餘四壁羣山響。終當一笑接匡君。請以此詩爲息壤。

余所藏浯溪中興頌碑。宋元間拓本也。李東川爲題三百二十字。如數訓之。卽次其韻。

我徃嗜古碑。儲藏詎論百。洗剔黴苔痕。珍重韓陵石。非徒證前史。且欲志遺迹。每對古賢書。肅然手加額。魯公尤絕倫。忠義出心畫。什襲未敢輕。連城那忍易。可憐廿年來。散佚良可惜。雲煙一過眼。斤斤復何益。祇餘磨崖頌。文翰等雙壁。高秋風日晴。摩挲置几席。得逢鑒古家。

把玩不能釋。緬彼元公文。典重與道適。重以平原書。一

一精誠積思。欲瞻其蹤。彌望春山碧。昔君居官處。實近

漫郎宅。

東川程令祁陽  
涪溪乃其治所

而我滯蓬藿。勝境千里隔。此碑

不去懷。如物填肝膈。君言不足觀。今茲異徃昔。未聞愛

護勤。翻受剗剔厄。續鳧斷鶴脰。毋乃太惡劇。我聞古人

書。棱棱守風格。令人尙悅目。恣意事婉孌。肥瘠易燕環。

顛倒置冠舄。剗刻徧山陬。鉤填到方冊。以彼愚公愚。成

此謫仙謫。君聞爲莞爾。氣感若鍼珀。賞我舊拓本。神采

尙奕奕。慨焉哦長歌。渾灝凌謝客。平原乃僊去。遺筆度

三  
繩尺漫郎有道人政績猶藉藉君詩能道古諷詠欲終  
夕。恍忽見古人一片山月白。

重陽日純齋招同諸子集半畝天卽事有作兼

呈東川四首

昔年作重九落葉江南邨。白髮又今日黃花非故園。江  
湖饒勝引潦倒負芳尊。茂宰能延客新詩對榻論。

吏散門閣掩天清池館幽。壺觴能跌宕賓從最風流。莫  
負藍田興真同梓澤遊。西風吹落葉散作一庭秋。

客似公榮飲天容我輩狂。縣河談口決岸幘放歌長。李

嶠真才子。吳生敢擅場。相攜成一笑。解髮濯滄浪。  
不作登高客。知誰落帽才。夜涼山影合。燭盡雁聲來。正  
有牀頭釀。何妨笑口開。後期能再卜。把菊重低回。

夜宿支翁堂寓齋

被酒不得去。書齋幽更清。一鎧消夜氣。半榻共秋聲。短  
髮嗟吾老。微言見爾情。良宵有同夢。迢遞到吳城。

不雨

七月不雨至九月。重陽已過炎如燄。花蟲嘬膚亂蠅集。  
虛堂午睡何繇甘。此邦僻陋本山邑。羣黎託命惟長鑱。

晚稻未登菜未甲。所望一雨同濡涵。何爲旱魃秋肆虐。  
風輪轉水勞。丁男山谿有水亦枯竭。晝長不見飛征颿。  
田翁倚耒商旅泊。仰天默坐如狂愁。油油作雲衆情喜。  
氤氲似欲彌煙嵐。忽然狂風一解散。已見皎月升東南。  
昨宵天宇黯如墨。椶櫚戰風風力酣。密雲漏雨灑急點。  
紗窗日上晴光含。今歲早禾書大有。穎粟不滿貧夫貧。  
年豐轉覺米價貴。富家過糴何耽耽。我生無田食破硯。  
蘇句一十四口同飢蠶。起視餅飢少儲粟。欲呼庚癸非空  
談。青天蕩蕩踰不應。陰陽錯遯誰能參。明朝降霜近冬

序晚涼習習衣先諳安得甘霖快傾瀉四民一昔恩皆覃

九月二十四日雨

不雨已三月驕陽氣不收回風一飄灑孤館始知秋安得天河挽平添江水流三農慶霑足不獨爲身謀

得劉簡之書不得陳季馴消息

我昔武昌跨黃鶴乘風直上滕王閣滕王閣下多賢豪  
潁川公子今俊髦阿翁開府擁旌旄就中賓從皆吾曹  
醉後狂歌拓金戟意氣相傾無促刺公子居然魏信陵

鄙人不作平原客。誰知世事多翻覆。過眼繁華如電逐。  
列柏臺前諫草飛。冰霜絕塞累臣哭。是時我在湘南陌。  
路隔重湖斷消息。客從豫章來相見。一悲喜失口問君。  
家茫然不知旨。年來抑塞山城居。夢回孤館常嗟吁。秋。  
風忽躍湘江鯉。翻得劉生書。一紙依稀道爾寓。鳩茲望。  
遠茫茫隔江水。昔者與劉生共走梁園道。梁園舊日公。  
子家。只今池館生秋草。世事悠悠等逝波。雞蟲得失何。  
時了。祇有懷人一片心。矯首長空月皓皓。

眉樓墨歌 有序

縣齋小集酒半李東川出示舊墨一九有金  
書小篆眉樓二字眉樓者金陵舊院妓顧眉  
生所居也此墨蓋其遺物眉生名媚事詳余  
澹心板橋雜記東川自爲詩紀之邀余作歌  
石州螺黛腰支細吮墨含豪競新翠雛鷺高飛變鳳凰  
荆榛移圃成蘭蕙金陵往日盛繁華金粉香濃燕子家  
夜月眉樓誰不羨春風舊院有人誇後來轉入尙書第  
共命文禽一雙翅朝罷熏香解畫眉妝成弄筆爭游藝  
黃山丹竈蕤松煙萬杵春來鐵石堅仿古製成易水法



到今遺得沈珪丸。蒙園僊吏風騷客。寸璧藏來城不易。  
鳳脰燒將照綺筵。豹囊開得聞薌澤。想見徐磨搏琅時。  
柔荑淺蘸寫蘭枝。橫披側出天生秀。安藥添花絕世姿。  
可憐淚下金盤露。葉落秋槐不知數。點墨空傳楚畹香。  
濡豪忍續離騷句。龍賓十二散如雲。電火流光幾度春。  
兩字金書猶嫵媚。三層高閣失嶙峋。君不見我聞室內。  
聯嘉偶。一樣芳華鬥詩酒。紅豆無花拂水荒。令人空憶。  
東風柳。

送東川歸夏邑

空山一夜雨。湘水漲寒波。不識征驅去。相思誰最多。蓬蒿開曲徑。芒屨點煙螺。已遂歸田樂。休爲勞者歌。

寄荅金華太守嚴少峯

故人出典金華郡。邀我去作金華遊。金華窮窳富巖壑。故人交誼何綢繆。十年楚澤無芳草。一夕蘭溪有客舟。爲語初平開石室。與君同醉棗林秋。

夜集兜率寺禪房聽施齊峯彈琴

弦月隱牆角。微輝照禪房。夜涼鐘梵寂。隔戶聞清香。山人抱琴來。一曲齧宮商。忽爲水仙操。流水聲湯湯。聽者

情爲怡我亦久旁皇老僧獨無言跣趺坐繩牀

純齋惠鱗

十輩扶來葦一枝夜涼眞慰酒人思得從秋水蘆深處  
惠我清尊月滿時澹澹蘼香人乍擘離離風影燭初欹  
銅陽豪興差堪羨莫笑頻將左手持

懷東川

六十始識君識君不爲遲所幸一尊酒日夕歡相持聯  
吟三月餘別君不爲速寧知一寸心傾吐不得足我客  
十三載君客二十秋君歸我未歸望斷江南樓別君僅

一旬思君何時已蕭蕭落葉風渺渺洞庭水洞庭二千里直溯汭河曲孤颿入寒雲今夜何處宿

作歌贈常譽堂少府卽送其入都

君。家。長。劒。雪。三。尺。拔。鞘。凜。凜。生。寒。芒。不。斬。鱣。鮪。斬。狐。兔。酒。闌。拂。拭。心。茫。茫。前。年。從。軍。在。巴。蜀。短。衣。縛。袴。爲。急。裝。幕。府。論。功。進。階。級。秋。翎。分。得。鴟。青。光。今。年。假。職。來。三。湘。雲。霄。有。路。期。騰。驤。用。違。其。才。志。不。展。如。以。枳。棘。棲。鸞。鳳。洞。庭。十。月。寒。波。急。過。雁。無。聲。雲。疊。疊。忽。來。別。我。上。征。航。千。里。嚴。程。向。京。國。執。手。進。一。言。臨。歧。莫。嗚。咽。君。不。見。鵬。

鶚盤高空攫身奮一擊古來英雄人志在磨盾墨方今  
天子憂黎元祇氛未靖猶肝食秦豫闕山戰鼓鳴夔  
巫郡縣煙塵黑丈夫致身自有地何苦區區戀冗職腰  
間湛盧夜有聲胡不上馬去殺賊

十一月五日得東川長沙書卻寄

不遣征颿去若馳淹留無計竟長辭霜天旅雁傳聲急  
煙嶺孤猿嘯月悲世事真成蕉鹿夢高情共守歲寒枝  
悠悠長路三千里此後應無見汝期

庚申

上元後三日大雪初霽純齋招集署齋席間限

苦字

五出新花罷飛舞樹頭老鳥凍不語開門一白冷光搖  
鏐作清虛廣寒府是時正屈落鐙候九陌三條沸蕭鼓

傳柑卜繭尙餘興僵臥袁生何太苦折簡欣逢仙令招

踏雪寧嫌東郭侮

呼興夫不得著屐而去

興寒會上酒千鍾飛鷄

亭邊雲一鴈觥籌交錯恣諧謔議論飛騰縱今古羨君

高曲儷陽春

君先有對雪詩

愧我微才非繡虎令嚴白戰酒更

深火藝紅鑪夜偏煦翻思葦屋當祁寒盈尺瑤花壓環

堵。壚。頭。酒。價。益。復。高。三。百。青。銅。斗。誰。酤。祇。愁。比。戶。有。痾。  
疎。賴。得。神。君。同。召。杜。男。勤。耕。織。女。秉。機。寒。有。衣。襦。飢。滿。  
鬴。上。天。好。生。祥。屢。降。率。土。占。年。豐。可。覩。不。辭。矢。口。詠。昇。  
平。相。與。開。筵。事。尊。俎。饕。餮。官。鼓。算。催。更。浥。浥。老。梅。香。入。  
戶。月。光。照。雪。夜。更。幽。瑩。淨。冰。壺。物。堪。數。好。將。餘。瀝。酌。劉。  
叉。試。拂。蠻。牋。賦。冰。柱。君欲作冰柱詩

純齋旣和余詩翌日別成五言一章依韻訓之

覽君白雪吟如入羣玉圃繫余下里曲餘末愧彊弩憶  
昨事談讌主客共三五時同席性以淡斯同交因道竝者八人

聚三焦類坡翁大戶不予侮酒酣搖霜豪欲試雷門鼓  
瑟縮同寒蟲奇語不得吐今晨霽色明新詩快重覩申  
章殘吟顏敢謂作詩苦

冰柱和純齋

積陰凍屋雪縣溜滴復停棱棱凝作柱遶檐挂瓏玲初  
疑白玉簪巧匠所琢成又疑水晶宮幻出頗黎釘迎寒  
出就坐徐徐拓風櫺裊首恣翹矚冰光射晶瑩兒童苦  
作劇持竿旁軒楹砉然墮階砌玕作碎玉聲際此蕭寒  
境適我冷淡情有語不得吐但覺心神清何如訟庭暇



郢雪頻酬賡吟餘更體物長歌調鏗鏘肯使唐劉叉專  
得冰柱名

庭梅作花詠之

屈曲苔枝四尺彊自開自落短籬旁墮階花片休輕埽  
都是江南雪後香

贈趙實齋別駕卽送其還吉安任

自我來淮川獲與趙子交熟聞令弟賢山川悵迢遙王  
程趨蜀道歸路鳴鞭鞘爲尋友于樂徑至不待招歡然  
一握手氣誼等黍膠芳菲二三月花柳春風饒軒開半

祗天

令兄大令齋名

詩酒時招要佳言霏玉屑妙論窮風騷有

時默不語坐對心神超緊余守孤未頗厭世俗囂求友  
四十年知音何寥寥一從識賢令快如飲醇醪士雲與  
士龍壘篴喜同調吉安古名邦冠蓋紛前朝半刺非顯  
秩窮達隨所遭祗期濟蒼生詎必光金貂只愁東門柳  
行折風前條後會那可期使我心魂勞去矣行自愛清  
白君所操如逢雙鯉魚尺書寄江濤

清明後三日同邵晴巖劉氏園看牡丹酒邊賦

此

落絮遊絲攪晚風。名園花事太匆匆。相邀野客攜筇看。  
喜有詩人著屐同。山翠暝。環三徑。綠花光。晴徹一闌紅。  
提壺枝上如相勸。一棹觥船肯放空。

得沈賓漁孝廉凶問愴然賦此并悼令弟芷生  
進士四首

歲月催人委逝波。青山無語夕陽多。雲英已嫁何哉死。  
腸斷當筵白紵歌。

一領淒涼博士氎。著書翻畏後人傳。空餘煙月揚州夢。  
譜入雲和十五弦。

玉樹當年折一枝。綠春誰和斷腸詩。並生有和王條山  
綠春詩三十首甚  
工對牀。翻作黃泉約。不似逍遙夜雨時。

杵臼交期四十年。秋風旅雁各雲天。白頭故舊凋零盡。  
誰哭機雲弔墓田。

### 瓶中牡丹花謝

一朵輕盈綠葉攢。膽瓶不放水泉乾。愛他婪尾三春豔。  
餉我齋頭十日看。癡蜨過窗疑有約。冷風拂几惜初殘。  
采雲飛去歸何處。欲向精廬問藥闌。此花折  
自僧寺

### 寓齋柏樹歌

遊人登山望我室。鬱鬱柏樹森森出。先生息足晝掩關。  
舉頭見柏不見山。此柏不知何歲植。長梢拂雲根入地。  
天風東來飄翠纓。須臾卷出秋濤聲。涼宇澹澹月初吐。  
壁上龍蛇影可數。赤龍當空暑若焚。廣庭黳黳鋪寒雲。  
亭亭一柱卓然起。絕俗離羣儼端士。尋常鳥雀不敢棲。  
高處或有鸞鳳飛。吟餘無事日摩撫。短鬢修頤爲余舞。  
便當呼此爲柏僊。伴余小住三千年。

哭楊五橋孝廉二首

去歲一分手。便爲長別時。畢生同我拙。入口爲君悲。久

客成莠贅沈疴況路歧尙憐歸去早猶及見妻兒  
倉皇聞赴日哀極涕難零白社人誰在黃壚痛詎任早  
知死別苦翻悔締交深渺渺燕雲路吟魂不可尋

夜步池上有懷純齋

時以公事  
留省門

明月出東嶺西齋涼已多蕭森池邊樹影落池中波清  
景不可常幽懷偶然適如何澹蕩人翻爲車馬客

登道吾山憩興華禪院同遊者張初潛費芸軒  
出郭十五里來登道吾山道吾之山幾千仞籃輿軋軋  
行躋攀舉頭已層霄俛視皆羣巒白雲滃合露顛頂有

若銀海。羅花鬢。倏然長風一解散。蒼巖綠野紛爛。雷  
公殷山忽吼。怒歎天急雨橫。相干密林深處。一睇視。乃  
是瀑流千尺。飛落懸厓間。怪底綠山盡幽澗。鬱環一水  
時深潄。老僧出迎客。伊蒲款花關。相攜小步競指點。數  
陳古迹何班班。潄泓一潭水。說是龍所寰。我欲投石抵  
其穴。道人駭我真愚頑。鐘聲送客下山去。回望積翠皆  
雲煙。

閱篋中得汪容甫遺墨愴然有作

芒掩金刀壑絕淮。零縑貯篋忍重開。十年結客無知己。

萬事傷心到劫灰。趙壹著書難解。擯禰衡善罵亦奇才。  
竹西卽是西州路。誰向秋風哭夜臺。

舟次嘉魚

孫曹爭戰地。繫纜惜恩恩。算雨人爭渡。天寒客掩篷。  
大江流不盡。古迹弔何窮。城郭疎鐘起。寥寥幾樹楓。

漢陽署齋宣香坡置酒話舊有感四首

七年不踏江皋路。千里思君鼓棹來。隔水樓臺仍暮色。  
依人燈火且深杯。熟知世事搏沙似。敢信虛舟觸浪開。  
槩苦蔗甘嘗已徧。休教白髮更相催。



四十年前共此尊。只今猶有幾人存。  
雲山不負新吟興。襟裏空餘舊酒痕。  
樹石平泉勞想像。松楸故壙擾心魂。  
相逢都是羈愁侶。樺燭三條忍細論。

往事真成一刹那。塵沙小劫抵恆河。  
脊令原上秋風早。鸚鵡洲邊夜雨多。  
紅豆有枝休采摘。白楊無樹不婆娑。  
未堪重問西州路。況聽聲聲寡鵠歌。

令弟曾若姝塔江樹椿並已下世

君因薄宦滯天涯。我亦飢驅客是家。  
縱迹久同風外絮。音塵休問月邊槎。  
十年畫地空成餅。一笑優曇未著花。  
何日徃來成二老。吳山深處足煙霞。

漢上遇詹湘亭孝廉酒邊話舊卽送公車入都

二首

廿載一相見愈增離索情  
月圓燈火內心借酒杯傾駁  
骨千金價深情一死輕  
至今香冢上不使草叢生

紀湘亭往

事

放浪仍爲客棲遲卽是家  
依然攜越豔猶憶飯胡麻樂

府井華水

湘亭工填詞

滄江虹貫槎春風消息近  
看徧上林

花

汎郎官湖登梅子山小憩僧院

太白騎鯨遊青山。墓仙骨留此十傾湖。猶浸唐時月。卽  
官爾何人翻藉名。不沒至今春洲上。芳草青未歇。我來  
漾舟行。迤邐登突兀。傳是梅子山精廬。亦清絕。老僧點  
秋茶。雪乳散飛沫。浮雲大別來。度水去飄忽。蒼茫懷古  
意。長歎出林樾。

武昌三絕句

黃鶴樓邊夕照明。浮雲蹤迹可憐生。淒涼一曲相思引。  
誰譜仙人玉笛聲。

城東潑眼翠螺明。只有伊人隔死生。

悼松泉也

欲上大觀山

頂望濁流怕聽大江聲。

蕭疎幾樹晚楓明。野寺孤雲入望生。我是歸來遼海鶴。  
七年前聽遠鐘聲。

與高墳阿登洪山

長嘯馭天風。登山四望通江流。黃似線。樹色黯成叢。孤  
塔千花外。招提一磬中。戰爭思往事。感慨兩人同。  
明祖  
與陳  
理大  
戰洪  
山下  
擒其  
驍  
將陳  
必先  
國遂  
以亡

風雪自武昌還漢陽

橫風北來江浪惡。打頭雪片隨風落。一葉扁舟薄葦開。

遙遙直指晴川閣。翻思昨夜武昌城。地鑪火暖松膠傾。  
津亭鼓吏笑相問。有底忙時必欲行。

送姜杜薌少保移節保定

一宵清話敘離情。銀燭光中感慨生。不惜我歸華髮老。  
只愁公去雪山輕。仗移曉日弓刀隊。風入高城雁鴛聲。  
此去保陽天尺五。五雲長傍泰階明。

香坡置酒話別

惜別一尊酒。臨歧還重斟。如將歸客意。寫入故人心。落  
日鳥邊疾去。飄煙外深悠悠。今夜夢回首。但寒林。

歲暮閒居

漢南歸客厭紛煩。歲晚端居不出邨。但有高歌消日壘。  
那知清況負琴尊。貧逢儉歲偏增閨。背曝初陽便覺溫。  
飢雀啾啾聲不去。更誰來破竹間門。

辛酉

寓齋感懷

誰憐老鶴帶籠樊。二月春寒獨掩門。積雨空庭荒薜合。  
獵風古樹野禽喧。民頑競貸監河粟。客久思迴勝母轅。  
歸去故山良不惡。忘憂先樹北堂葭。

春杪出城晚眺歸飲純齋署廬二首

衆綠宜新雨。殘花怯晚風。水將川路濶。雲帶夕陽烘。布  
穀聲聲急。攜鉏處處同。客情無別事。但欲祝年豐。

今春三月盡。入歲一詩無。顧我老耽朱。因君興不孤。歸  
雲隨步履。高樹勸提壺。仕隱兩俱適。寧嫌臭味殊。

苦雨

春來憂不雨。春去惜愁霖。渺渺芳塘水。平添一丈深。苔  
痕生蔓綠。雲氣結重陰。不是空倉雀。誰知望歲心。

晤梁仲懷刺史知王二秋塋已卒官偃師矣感

念存沒以詩哭之四首

自與王郎別。星霜十度遷。襟期詩卷裏。消息夢魂邊。客  
有傳凶問。神疑到楚天。茫茫生死路。南北總三千。

比部聲名久

尊甫穀原先  
生名又曾

清門汝最賢。論年乃弟畜。話

舊孰余先。賦雪邀枚叟。看花策馬鞭。梁園多勝引。回首

但寒煙

壬子歲與君  
相敘于歸德

縹緲吹笙日。雲煙緱氏顛。銘旌仍一令。最續未三年。清

節人誰問。詩名死或傳。師門遺愛在。相見哭重泉。

君爲  
弇山

尚書門下士尙  
書亦經謝世



不信斯人死人言。實果然。早知文度慧且喜。孟光賢。辛  
苦歸遺。楓蘿虞少薄田。延陵餘一劍。空許挂新阡。

醉歌贈向惺菴廣文

天有酒。星地酒泉。杜康作神。李白仙。金張許史等。蠓蟻  
惟有飲者多。豪賢停君白玉卮。聽我歌一篇。君身頽然  
長七尺。沈雄意氣疑幽燕。不能置君石渠天祿閒。低眉  
攤此一領之寒氎。廣文齋舍冷于水。兀兀坐聳吟詩肩。  
闌干苜蓿當梁肉。惟有梨花竹葉蕩漾來。長筵眼前清  
濁詎須審。醉後欲憑山作枕。小兒握齕不解事。拍手狂

歌笑茗芋城西三月春光濃樹頭有鳥曉春風曉出千  
樹萬樹桃花紅且破十千沽一斗渴羌泥飲不用頗黎

鍾牆東老尹真好事

謂純齋

甕頭時啟青泥封壓中參錯

四五輩飄蕭白髮來車公酒兵欲通天地數

君將戰獨占五

頭大笑驚童蒙積然玉山扶不得一拳兀自撐高空嗟

我與君並世同形軀一滴不霑血欲枯此中只可飲美

酒世間誰是高陽徒

寄懷沈蕢漁

前鵠傳已死余有詩哭之闕除月知司論全椒

耿蘭有報竟譌傳樂府先歌鼙露篇志士達生原不死

世○人○欲○殺○亦○堪○憐○一○官○苜○蓿○仍○江○表○三○載○音○書○隔○楚○天○  
漫○憶○風○流○追○白○傅○海○山○證○果○定○何○年○

作此詩之明年卒于京師

六十自述二首

漸○覺○須○眉○改○居○然○甲○子○周○老○能○諧○世○故○迂○不○協○人○謀○詩○  
句○緣○愁○得○雲○山○作○客○收○慈○闈○天○與○健○此○外○總○悠○悠○  
就○閒○思○澗○壑○投○老○尙○江○湖○未○得○修○名○立○空○嘆○吾○道○孤○生○  
涯○餘○破○硯○貧○薄○昧○良○圖○可○許○殘○年○內○猶○能○一○日○娛○

家稷堂閣學以侍講視學楚南使院話舊卽送

還朝

織翳何曾點翠珉。玉堂雅望自垂紳。南天桃李新文化。  
北道將迎舊主人。向在鄂州嘗借榻使院遷轉不妨仍入座。朝  
廷終自識孤臣。尊前重理王褒頌。指點蓬萊紫氣新。

聽泉圖二首

匹練飛垂界翠屏。玉龍掉尾幾曾停。誰知喧極翻成靜。  
小坐危厓盡日聽。

坡老真成冠古才。玉淵妙句剔蒼苔。何如左蠡揚颿去。  
快聽匡廬瀑布來。

清詞雜詠上